



Rodolphus ob insignem eruditionem & præclaras animi uirtutes eius nominis tertius atque in ordine decimusquartus, post Vualanum (qui primus fuit) Basiliēsis episcopus electus est. Is magna dexteritate eam Ecclesiam administrauit, atq; passim apud reges & principes sibi magnam authoritatem comparauit. Eius tempore, anno circiter 1010, Henricus 2, qui sanctorum catalogo inscriptus fuit, imperiū administrauit. Cum itaq; Vngari Basiliam tum uastassent, atq; cathedralis ecclesia Rheno proxima ruinam minitaretur, Rodolphus cum Cæsare agere cepit, de nouo templo construendo. Habuit etiam in ea petitiō-

ne Cæsarem benignum qui mirabili liberalitate episcopū adiuuit, & eam urbem & ecclesiam arce Pseffingensi multisq; donis & priuilegijs exornauit.